

Pagtugon sa Oras ng Emergency

(非常変災時の対応について)

1 Pagtugon kapag may inihayag na weather warning

- (1) Kabilang dito ang paghahayag ng lahat ng uri ng weather warning (impormasyon ng babala tungkol sa malakas na ulan, baha, bagyo, malakas na niyebe, at pagguho ng lupa) pati ang mga special warning
- (2) Kapag may inihayag na weather warning sa Minokamo City na kinaroroonan ng paaralan, sa patakarán, ang pagtugon ay ayon sa mga detalye sa ibaba.
Gayundin ang pagtugon kapag may inihayag na weather warning sa ibang munisipalidad maliban sa Minokamo City kung saan nakatira (o dumadaan para pumunta sa paaralan) ang estudyante.

Sitwasyon		Pagtugon	Klase	School bus	School lunch
Kapag inalis ang warning bago ang 6:00 ng umaga		Tulad ng karaniwan	○	○	○
Kapag inalis ang warning sa pagitan ng 6:00 hanggang 10:00 ng umaga		- Magsisimula ang klase mula mga 1:30 ng hapon (Kapag sapat na natiyak ang ligtas na lagay ng mga kalsada, ilog, atbp.)	△ (*1)	× Walang bus	×
Kapag may warning pa rin pagsapit ng 10:00 ng umaga		Emergency class suspension	Emergency suspension		
Kapag naghayag ng warning habang papasok sa paaralan					
	Para sa mga gumagamit ng school bus	- Kung nakasakay na → [Itutuloy ang pagpasok at maghintay sa paaralan] - Kung nasa bus stop → [Bigyang-prayoridad ang pagtiyak ng kaligtasan at bumalik sa bahay]	×	△ (*2)	
	Para sa mga may hatid-sundo	- Bigyang-prayoridad ang pagtiyak ng kaligtasan at bumalik sa bahay.	×		
	Para sa mga nagbibisikleta o naglalakad	- Bigyang-prayoridad ang pagtiyak sa kaligtasan at maghintay sa lugar na kinaroroonan, o pumunta sa bahay o paaralan, alinman ang mas malapit.	×		
Kapag inihayag ang warning habang nasa paaralan		- Sa patakarán, maghihintay sa paaralan (Tutugon nang may prayoridad sa kaligtasan) - Pagkaalis ng warning atbp., ipapasundo sa magulang at uwi.	△ (*3)	×	△ (*4)
Kapag inaasahang may ihahayag na warning pagkapasok sa paaralan hanggang sa oras ng uwian o pagdating sa bahay		- Posibleng paagahin ang oras ng pagtatapos ng klase para matiyak ang ligtas na pag-uwi. (Ipagbibigay-alam ito gamit ang Sughool app atbp.)			

- Kapag may inihayag na weather warning o inaasahang maghahayag ng weather warning, kumpirmahin nang mabuti ang disaster prevention information atbp. na ibinibigay ng paaralan at bawat munisipalidad, at kumilos ayon dito.
- Kung tutugon sa umaga ng araw na naghayag ng warning, magpapasya ang paaralan pagsapit ng 6:00 ng umaga, at ipagbibigay-alam ang desisyon bago ang 6:30 ng umaga gamit ang school emergency contact method (Sughool) atbp.

Bigyang-prayoridad ang pagprotekta sa buhay kapag may inihayag na Special Warning.

[Mga bagay na tatandaan]

- (*1) Sa pamantayan, magsisimula ang klase mula mga 1:30 ng hapon, ngunit posibleng suspindehin ang klase kung hindi matiyak ang kaligtasan ng mga kalsada at iba pang bagay.
- (*2) Kung inihayag ang warning habang nakasakay sa school bus na papunta sa paaralan, itutuloy ang pagpunta sa paaralan ng mga estudyante.
Kung hindi pa nakasakay sa school bus, o kakababa ng school bus, dapat agad na umuwi ang estudyante habang tinitiyak ang kaligtasan.
- (*3) Kung may posibilidad na maghayag ng warning atbp., batay sa sitwasyon, posibleng itigil ang klase, pauwiin nang maaga ang mga estudyante, atbp. bilang pagbibigay-prayoridad sa kanilang kaligtasan.
- (*4) Tutugon ayon sa lagay ng panahon at sitwasyon sa paghahanda ng school lunch.

2 Pagtugon kapag lumindol

- (1) Kapag **nagkaroon o inaasahang magkaroon ng lindol na may seismic intensity 5-lower o higit pa** sa Minokamo City na kinaroroonan ng paaralan o sa kalapit na munisipalidad, sa patakaran, ang pagtugon ay ayon sa mga detalye sa ibaba.
- (2) Kahit sa oras na nagkaroon ng lindol na may seismic intensity na hindi aabot ng 5-lower, posibleng gawin ang pagtugon sa ibaba batay sa sitwasyon at pinsala mula sa lindol.

< Kumilos nang may prayoridad sa sariling kaligtasan >

○ Pangunahing Kilos para sa Kaligtasan

Maghanap ng **lugar na “walang mahuhulog”, “walang matutumba” at “walang gagalaw na bagay”**, takpan ang ulo gamit ang mga bagay sa paligid o iba pang katulad na kilos, at **kumilos para protektahan ang buhay** sa mababang posisyon ng katawan hangga’t maaari.

Sitwasyon	Pagtugon
Kung lumindol bago pumasok sa paaralan (habang nasa bahay)	- Maghintay sa bahay, o lumikas at maghintay sa lugar na matitiyak ang kaligtasan. *Kumilos ayon sa disaster prevention information, utos para sa disaster prevention activity, atbp. sa bawat lugar. (May kasong lilikas sa itinalagang lugar, atbp.)
Kung lumindol habang papasok o pauwi mula sa paaralan	- Pansamantalang lumikas sa ligtas na lugar, at sa patakaran ay umuwi sa bahay. - Kung malapit na sa paaralan, lumikas sa paaralan. *Kung pumapasok sa paaralan habang nagbibisikleta o naglalakad, kung posibleng ma-contact ang paaralan, magreport at saka lumikas. *Para sa mga estudyanteng gumagamit ng pampublikong transportasyon sa pagpasok at pag-uwi mula sa paaralan, sumunod sa utos ng staff, atbp. na naroroon.
Para sa mga gumagamit ng school bus	- Emergency stop (Ititigil ang bus operation) - Kung posibleng lumipat ng lugar, pansamantalang itigil sa pinakamalapit na evacuation area o ligtas na lugar na itinalaga ng paaralan, at tutugon ayon sa utos ng paaralan. (Lilipat ng lugar at maghihintay) (Susunod sa school bus manual)
Kung lumindol habang nasa paaralan	- Pagkatapos lumikas nang pansamantala, kung natiyak ang kaligtasan, isasagawa ang pagpapasa sa magulang. (Ipapasundo sa magulang para umuwi) - Kung walang tao sa bahay o estudyanteng gumagamit ng pampublikong transportasyon, at mahirap umuwi dahil hindi masundo ng magulang, mananatili sa paaralan ang estudyante at saka lilikas sa temporary evacuation area.

3 Pagtugon kapag may inihayag na emergency information tungkol sa Nankai Trough Earthquake (Huge Earthquake Warning)

- (1) Kung sumailalim sa landslide disaster warning zone ang alinman sa mga lugar na nagtataguyod ng mga hakbang laban sa Nankai Trough Earthquake, sa patakaran, sususpindehin ang klase.
- (2) Kung sumailalim sa warning zone habang papasok sa paaralan o pauwi mula sa paaralan ang mga estudyante, agad na kokontakin ang mga magulang at pauwiin ang mga estudyante matapos kumpirmahing ligtas ang lugar na kabilang sa warning zone atbp. at ang kinaroroonan ng mga estudyante. Sa ganitong pagkakataon, kukumpirmahin nang mabuti ang kinaroroonan at titiyakin ang pag-uwi ng bawat estudyante. Tungkol naman sa school bus, pansamantalang titigil sa ligtas na lugar at tutugon ayon sa utos ng paaralan.
- (3) Kung sumailalim sa warning zone habang nasa paaralan, ititigil ang klase, kokontakin ang mga magulang at pauwiin ang mga estudyante matapos kumpirmahin ang kaligtasan at iba pang impormasyon tungkol sa mga lugar na kabilang sa warning zone.

4 Pagtugon kapag may inihayag na J-Alert dahil sa ballistic missile launch

- (1) Kapag inihayag ang J-Alert, bibigyang-prayoridad ang pagtiyak sa kaligtasan ng buhay sa pamamagitan ng pagpunta sa matibay na gusali atbp.
- (2) Hangga't may impormasyon o paunawa na natiyak na ang kaligtasan matapos ihayag ang J-Alert, maghihintay sa isang ligtas na lugar, at sa patakaran, babalik sa karaniwang gawain pagkatanggap ng impormasyon o paunawa na natiyak na ang kaligtasan.
- (3) Kung inihayag ang J-Alert habang nasa paaralan, bibigyang-prayoridad ang mga kilos para sa kaligtasan at paglikas, at sa patakaran, ipagpapatuloy ang klase pagkatanggap ng paunawa na natiyak na ang kaligtasan. Gayunman, batay sa sitwasyon, gagawin ang pagtugon sa ibaba.

< Pagbibigay ng prayoridad sa pagtiyak sa sariling kaligtasan; Paglikas >		
*Dahil inaasahang kakaunting oras lamang bago dumating sa bansa ang missile, at limitado ang oras sa paglikas, agad na gawin ang mga kilos para sa kaligtasan at paglikas na naaayon sa bawat sitwasyon sa ibaba.		
Pagtugon para sa agarang paglikas	Kung nasa loob ng gusali/bahay	- Layuan ang mga bintana, o pumunta sa kuwartong walang bintana.
	Kung nasa labas ng gusali/bahay	- Agad na pumunta sa loob ng isang matibay na gusali o sa underground.
	Kung walang malapit na gusali/bahay	- Magtago sa silong ng isang bagay, o dumapa sa lupa at protektahan ang ulo.
Pagtugon kapag nahulog o sumabog ang missile sa kalapit na lugar	Kung nasa loob ng gusali/bahay	- Itigil ang mga exhaust fan. - Isara ang mga bintana at pinto, at takpan ang mga butas para gawing mahigpit na sarado ang kapaligiran.
	Kung nasa labas ng gusali/bahay	- Takpan ng panyo atbp. ang bibig at ilong, at agad na lumayo mula sa lugar na iyon, lumikas sa isang mataas na gusali/bahay na may mahigpit na saradong kapaligiran, o kaya ay lumikas sa direksyon ng hangin.
[Bagay na tatandaan] *Sikapang alamin nang tama at agaran ang mga impormasyong inilalabas ng gobyerno at munisipalidad, at kalmadong kumilos ayon sa utos nila.		

- ◆ Pagtugon kung inihayag ang J-Alert dahil sa ballistic missile launch sa oras ng pagpasok o pag-uwi mula sa paaralan

Sitwasyon	Pagtugon
Para sa mga gumagamit ng school bus	[Kung nakasakay] - Sumunod sa utos ng bus assistant, at tiyakin ang sariling kaligtasan. - Pagkatanggap ng paunawa na natiyak na ang kaligtasan, pumasok sa paaralan o umuwi sa bahay gamit ang school bus.
	[Kung nasa bus stop (sasakay pa lamang / kakababa)] - Bigyang-prayoridad ang mga kilos para sa kaligtasan at paglikas, at maghintay sa lugar na iyon. - Pagkatanggap ng paunawa na natiyak na ang kaligtasan, pumasok sa paaralan o umuwi sa bahay gamit ang school bus. *Batay sa sitwasyon, posibleng suspindehin ang operasyon ng school bus o ma-delay ang schedule. Sa ganitong pagkakataon, ipagbibigay-alam namin ito gamit ang school emergency contact method (Sughool app).
Para sa mga nagbibisikleta o naglalakad / Para sa mga mayhatid-sundo	- Bigyang-prayoridad ang mga kilos para sa kaligtasan at paglikas, at maghintay sa lugar na iyon. - Pagkatanggap ng paunawa na natiyak na ang kaligtasan, pumasok sa paaralan o umuwi.

[Bagay na tatandaan]

- Posibleng suspindehin ang klase atbp. kung mahabang oras ang lumipas mula nang ihayag ang J-Alert, paulit-ulit itong inihahayag, o iba pang katulad na sitwasyon. Sa ganitong pagkakataon, ipagbibigay-alam namin ito gamit ang school emergency contact method (Sughool app).

- ◆ Kung nagkaroon ng pinsala dahil sa missile atbp.

- (1) Agad na lumikas sa isang lugar kung saan matitiyak ang kaligtasan, at gawin ang mga kilos para sa kaligtasan.
- (2) Kung papasok sa paaralan o pauwi sa bahay, agad na lumikas nang pansamantala sa malapit na lugar kung saan matitiyak ang kaligtasan. Kumilos ayon sa utos ng gobyerno at munisipalidad. (Pumunta sa sariling bahay o paaralan, alinman ang mas malapit, at ipagpatuloy ang mga kilos para sa kaligtasan.)
- (3) Kung nagkaroon ng pinsala sa mga lugar sa paligid ng paaralan habang nasa paaralan ang mga estudyante, maghihintay sila sa paaralan. Tutugon ayon sa utos ng gobyerno at munisipalidad.

[Mga lugar na tinitirahan ng
mga estudyante, atbp.]

- Minokamo-shi
- Kani-shi
- Kamo-gun Sakahogi-cho
- Kamo-gun Tomika-cho
- Kamo-gun Kawabe-cho
- Kamo-gun Hichiso-cho
- Kamo-gun Yaotsu-cho
- Kamo-gun Shirakawa-cho
- Kamo-gun Higashi-shirakawa-mura
- Kani-gun Mitake-cho

Sa kasalukuyan: Abril 2025

Gifu Prefectural Kamo Special Needs School

Gifu-ken Minokamo-shi Makino 2007-1

Telepono: 0574-28-3150 (Main)

Mobile phone: 090-3481-5788 (Para lamang sa emergency)